

太清元道真經卷下

但示其首篇之目不見其文道成將舉乃可見矣言其報功耳其功一其報萬大約如茅君九錫此乃上道又百倍之學元道者元緯勤矣下卷首目約數十篇後聖所紀者五篇而已功報一志報二不退報三不妄報四不須捨報五

元道別錄

元道無他所慎休止而不休止萬非無所措矣塵世士或難常行時有休止休止之中不可不慎今錄戒慎於後為暫休止者言矣

慎一大息二

小乏三日減三十日十五大息為一小乏

大乏減六十日三十大息為一大乏

一忿減十日

一小醉減五十日

一大醉減百日

一哀減十日

一嗔減二十日

一懼減七日

一怒減三十日

一飢減三日

一飽減五日

一犯慾減五十日

一驚減十日 一勞一倦皆減五日

又飲食觸暑寒熱過差風濕所及起居失節言語散雜思慮煩躁此皆損元氣隨所觸犯輕重所減九言犯減者皆減其實功耳元道之士深宜慎之

元炁難積而易散關節易閉而難通佳炁固不可絕所得深宜愛惜此經從太古

太上老君傳血脈相付一十九人而絕皆已

登仙位品居尊極其經不留世至唐開元戊戌歲南統樊大君口授孟誦仙孟誦仙又口傳王虛元虛元為立三篇參述元道之機要

焉

太清元道真經卷下

太上老君太素經

太素時暗命之曰道太素之時神往營之道乃生之生之形之道乃命之道乃成之故天地成形道德成經道莫大於自然德莫大於長生道生一一生二二生三三生天地天地

充滿滿則損損則反其本故天一無不覆地一無不載日月一無不照故知之一不知也不一之一無一之知夫道之可奇也賢者通之聖人行之不可不知也道大而無形隱而無名其在天地外者窈冥其在天地中者充

盛故天地之間盡道為非吾獨也道不欲也非吾異也又云生可冀也死可畏也草木根

生去地而死故聖人知氣之所在以為身寶又去氣而死故聖人知氣之所在以為身寶又云大道張天下之大効大書陳天下之大略

大人以為足人之所好吾之所惡人之所執

吾之所舍二者唯聖人能知其故又云大德受天下之大惡大人受天下之大辱能受天下之大辱故能為天下之獨貴又云心之於人猶

大辱故能為天下之獨貴又云心之於人猶

水居器中停之則平欹之則傾撓之則濁澄之則清治心其猶水平壅之則止通之則行決之西則西東則東人心不可不杜塞如水不可不隄防也又云故易有太極太極謂太易太易者大曉易無有先之者謂皓皓白氣也乃有太初初者氣之始也有太始太始者形之始也有太素太素者質之始也故謂易易變為一變為三三變為五五變為七七變為九九者究也極後變為一者謂天也故輕清者即上為天重濁者即下為地中和氣者為人故天地合精萬物化生

太上老君太素經

第五

十

旨論同卷

靈信經旨

福壽論

靈信經旨

第六

昔晉平公時有道士師曠指天老經中微妙神法通幽明未來之兆接引於公公乃一觀觸事預知蓋以因德所施天道降鑒尔後流傳世上道者皆知况昔三天九要之書尚流下土既習知一修生之道寧不顯圖永為保命之書知開修道君子今則抄諸聖要旨就一軸之統展燭前經以光聖道乃命為靈信經旨云

天之三明 日月星也 人之三明

耳目心也 神棲於心 至通靈也
 觀幽鑒明 神能知也 天之所知
 輔星察也 人之所知 神光觀也
 察星觀光 逆知前也 全身之理
 審其信也 志之隱密 無視凡也

辭六

已分陰陽	天之賜也	資身益命
兢兢耐也	察其神明	吉之兆也
衆見獨昧	凶致亡也	七日之內
必當殞也	觀其神光	目之昏也
以指按之	神之驗也	青色病兆
赤色德也	白有喪傷	黃當喜也
黑主奸盜	辨其真也	按之無光
必凶亡也	一劫為期	審迴時也
一未七去	明其數也	剋日不移
預知光也	此之信候	幽之燭也
六一神動	必看報也	內外參審
凶之吉也	自應內肝	諸皆做也
十二時中	嚏噴呵欠	煩躁悒也
面目俱熱	恍惚迷也	香臭腥熬
皆先驚也	當專體候	鑿之神也
辛酸疼痛	聽其報也	觸動刺劇
認其兆也	耳鳴心忪	惕惕震也
觀光急行	隨明吉也	取安捨危
自當測也	行住坐卧	曉夜存也
左右前後	取於明也	無光之虞

1 (035) A A 20-4